



Concello de Vigo

D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 27 de agosto de 2021**, adoptou o seguinte acordo:

9.- SUBVENCIÓN NOMINATIVA A FAVOR DA SOCIEDADE “ULISESPROYECT EVENTOS ESPECIALES” PARA O DESENVOLVEMENTO DA XX EDICIÓN DO FESTIVAL “O MARISQUIÑO”. EXPTE. 8749/335.

Visto o informe xurídico do 22/08/21 e o informe de fiscalización do 24/08/21, dáse conta do informe-proposta de data 23/08/21, asinado pola xefa do Servizo de Festas, o concelleiro-delegado de Área e polo concelleiro-delegado de Orzamentos e Facenda, que di o seguinte:

Normativa de aplicación.

- Lei 38/2003, de 17 de novembro, xeral de subvencións.
- Lei de Galicia 9/2007, de 13 de xullo, de subvenciones de Galicia.
- Real Decreto 887/2006, de 21 de xullo, polo que se aproba o Regulamento da Lei de subvencións.
- Lei 19/2013, de 9 de decembro, de transparencia, acceso á información e bo goberno.
- Lei 10/2017, de 27 de decembro, de espectáculos públicos e actividades recreativas de Galicia.
- Lei 39/2015, do 1 de outubro, de Procedemento Administrativo Común das Administracións Públicas (LPAC).
- Lei 7/1985, de 2 de abril, reguladora das bases do réxime local, modificada pola Lei 57/2003, de 16 de decembro, de medidas para a modernización do goberno local e pola Lei 27/2013 de 27 de decembro de racionalización e sostibilidade da Administración Local.
- Lei de Galicia 5/1997, de 22 de xullo, de administración local de Galicia.
- Real Decreto Lexislativo 781/1986, de 18 de abril, polo que se aproba o texto refundido das disposicións legais vixentes en materia de réxime local.

Informe

O concelleiro delegado da Área de Participación Cidadá e Festas resolveu en data 2 de xullo de 2021 que se iniciase o expediente necesario para a redacción dun convenio de colaboración coa sociedade Ulisesproject Eventos especiais SLU, para a organización da XX edición do Festival “O Marisquiño”.



O evento tivo lugar os días 6, 7 e 8 de agosto de 2021, dentro do programa “Vigo en Festas” 2021, por diversas rúas do centro da cidade, con maior concentración de actividades no Paseo das Avenidas.

O Marisquiño leva 19 edicións consecutivas dende 2001, primeiro no que se celebrou. Desde entón pasou por tres localizacións distintas (Castro, Samil e Paseo das Avenidas) nunha soa cidade, Vigo. Na súa última edición (2019), con máis de 1.300 riders de máis de 30 países dos 5 continentes disputáronse 75 medallas en 9 disciplinas destacado a presenza de Riders de prestixio internacional como Nicholi Rogatkin, Nuno Pintas, Sam Pilgrim, Bienvenido Aguado, Paul Courdec, Lucas Huppert.

Para facelo posible, este ano, dada a situación sanitaria, máis de 300 traballadores constrúen e xestionan un espazo no que ao longo dos 3 días levaranse a cabo as actividades, que polas especiais condicións de pandemia se centrarán unicamente en competicións deportivas, especialmente nas valediras para os campionatos mundiais, coa fin de permanecer nos respectivos calendarios e asegurar a continuidade das probas no evento.

O Marisquiño consolídase nas probas deportivas máis importantes a nivel mundial como o BMX Free Style, Mountain Bike (descenso urbano), Skate (proba WCS), Break Dance (Street Battle), Street Basket 3x3 algunhas delas disciplinas olímpicas Tokio 2020.

Por outra banda cómpre destacar a repercusión nacional e internacional que acada o festival, tanto en medios audiovisuais e escritos como en internet e redes sociais. O Marisquiño ten unha enorme repercusión con conexións, reportaxes e entrevistas en todas as televisións de alcance nacional e tamén en radios e medios escritos de gran audiencia. ESPN, a canle de Deportes líder en América Latina e con gran presenza tamén en América do Norte, enviou un equipo ao festival para informar sobre o mesmo. A isto hai que engadir os acordos coa liga Sports e As Diario para a difusión do evento a través do streaming en internet. En canto á repercusión en redes sociais, en 2019 xeráronse máis de oito millóns de impactos dixitais sobre o festival e a cidade de Vigo tanto nas redes propias do festival como nas dos deportistas que compartiron contido a través das súas propias redes

Cómpre sinalar tamén que o acceso a todas as probas deportivas e culturais de carácter urbano desenvolvidas dentro da programación do festival son de balde.

D. Carlos Domínguez Fernández, propietario único da entidade e dos dereitos de uso da marca “O Marisquiño” manifiesta que a súa sociedade ostenta os dereitos de uso, execución e comunicación da dita marca. A marca “O Marisquiño” atópase rexistrada na Oficina española de Patentes y Marcas ao seu nome (*achégase a documentación acreditativa no expediente*).

A concesión da subvención proposta fundamentase no exercicio da súa competencia propia de promoción da cultura, ocupación do tempo libre, que lle recoñecen os artigos 25.2.m e 127 da Lei 7/1985, de 2 de abril, reguladora das bases de réxime local, e o artigo 80.2.n da Lei de Galicia 5/1997, de 22 de xullo de administración local de Galicia. Neste senso a Concellería-delegada da Área de Participación Cidadá e Festas ten entre as súas competencias o programar, desenvolver e xestionar a celebración de actividades festivas e socioculturais, de lecer e tempo libre, así como promover todo tipo de programas, actividades e servizos que contribúan á animación sociocultural dos cidadáns.

O Concello de Vigo está interesado en apoiar e potenciar a oferta cultural da cidade, así como en achegarlle á cidadanía unha oferta cultural diversificada que albergue o maior número posíbel de actividades dirixidas a todos os sectores culturais. É por isto que no seu vixente orzamento, na



Copia do documento - Concello de Vigo	Data impresión: 04/07/2024 09:30	Páxina 2 de 10
SUBVENCIONS	CSV: AFA951-BCAC84-B426B8-UEB9QQ-58467B-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

aplicación 3380.470.0001, prevé a concesión dunha subvención polo importe de 320.000,00 (trescentos vinte mil) euros, para a organización de “O Marisquiño”.

Establécese a colaboración coa Deputación de Pontevedra a través de convenios específicos, cuxa execución administrativa, técnica e contractual corresponderá ao Concello de Vigo, que deberá observar os procedementos de avaliación e seguimento da execución dos convenios a establecer nestes.

Ao amparo desta colaboración entre o Concello de Vigo e a Excm. Deputación de Pontevedra, con data 22 e 29 de xullo de 2021 a Xunta de Goberno Local do Concello de Vigo aprobou o texto do convenio entre o Concello de Vigo e a Deputación Provincial de Pontevedra para o desenvolvemento do festival Marisquiño 2021 (expediente 8748/335). Con data 6 de agosto de 2021 a Xunta de Goberno da Deputación de Pontevedra aprobou o mesmo texto do convenio co obxecto de coadjuvar ao desenvolvemento do festival “O Marisquiño” cun importe de 180.000,00 euros.

O texto do antedito convenio foi asinado con data 9 de agosto (*achéganse ao expediente copias dos respectivos acordos e mais do texto do convenio*).

Como resultado deste acordo, o Servizo de Festas dispón dunha dotación de 180.000,00 (cento oitenta mil) euros na aplicación 3380.470.0000 do seu vixente orzamento, a maiores dos créditos aprobados inicialmente, no orzamento municipal vixente, nos que prevese a concesión dunha subvención nominativa en concepto de Convenio Marisquiño con cargo a aplicación orzamentaria 3380.470.0001 polo importe de 320.000 €.

Fronte ao procedemento ordinario de concesión de subvencións en réxime de concorrencia competitiva o artigo 22.2 da LXS determina a posibilidade de concesión de forma directa das subvencións previstas nominativamente no presuposto, entendendo como tal aquela na que alomenos a súa dotación presupostaria e beneficiario apareza determinado no estado de gastos do presuposto, de xeito que as condicións e compromisos se determine na resolución de concesión e, no seu caso, nos convenios a través dos cales se canalicen a subvenciones e con carácter excepcional, daqueloutras subvencións en que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública.

Deste xeito, dun lado propónse a concesión dunha subvención nominativa mediante resolución conforme o disposto no artigo 28.1 da Lei 38/2003, do 17 de novembro por importe 320.000,00 euros e doutra banda, a concesión, dunha subvención por 180.000 euros ao concorrer circunstancias de interese público, social e cultural na actividade obxecto de financiamento segundo a disposto no paragrafo 3 do artigo 28, xa que concorren razóns de interese público e social, así como de exclusividade que non permiten a convocatoria dunha concorrencia pública, dado que Ulisesproyect Eventos Especiales SLU ostenta os dereitos de uso da marca “O MARISQUIÑO”.

Os gastos derivados da organización e desenvolvemento do Festival O Marisquiño 2021, segundo o presuposto presentado pola entidade Ulisesproyect Eventos especiais SLU, ascenden a un total de 504.000,00 euros. Ulisesproyect Eventos especiais SLU está en condicións de organizar a presente edición, conforme ao programa e Presuposto de ingresos e gastos, recollidos como Anexos.

Conforme ao disposto nos artigos 28.1 da Lei 38/2003, de 17 de novembro, xeral de subvencións e 26.1 da Lei de Galicia 9/2007 de 13 de xuño, de Subvencións de Galicia, a resolución de concesión establecerá as condicións e compromisos aplicables.

A resolución da concesión ten o carácter de bases reguladores da subvención concedida, de conformidade con establecido no art. 65.3 do Regulamento da Lei Xeral de Subvencións.



Copia do documento - Concello de Vigo	Data impresión: 04/07/2024 09:30	Páxina 3 de 10
SUBVENCIONS	CSV: AFA951-BCAC84-B426B8-UEB9QQ-58467B-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Na devandita actividade a subvencionar e na subvención mesma concorren singulares circunstancias de interese público, xa que se trata dun festival de grande arraigo na cidade e que conta cunha ampla tradición na promoción da cultura urbana, formando parte do programa de festas desta cidade. A súa organización en todas as edicións anteriores vén estando a cargo da entidade, que ostenta os dereitos de uso da marca. Estas circunstancias impiden a convocatoria pública da subvención e xustifican a súa concesión directa.

Conforme ao disposto nos art. 28.1 da Lei 38/2003, de 17 de novembro, xeral de subvención e 26.1 da Lei de Galicia 9/2007, de 13 de xuño, de subvencións de Galicia, a resolución de concesión establecerá as condicións e compromisos aplicables.

A resolución da concesión ten o carácter de bases reguladores da subvención concedida, de conformidade co establecido no art 65.3 do Regulamento da Lei Xeral de Subvenciones.

A sociedade Ulisesproyect Eventos Especiales SLU non está incurso en prohibición para ser beneficiaria das subvencións obxecto da LG 9/2007, encóntrase ao corrente das súas obrigas tributarias e fronte a Seguridade Social e que non se atopa incurso en ningunha das circunstancias previstas no artigo 10 desta lei, segundo resulta das declaracións responsables e certificacións que figuran no expediente 8749/335.

En cumprimento do establecido na resolución de 10 de decembro de 2015, da Intervención Xeral da Administración do Estado pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións, e en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, a Base de Datos Nacional de Subvencións BDNS operará como sistema nacional de publicidade das subvencións. A tales efectos, e para garantir o dereito dos cidadáns a coñecer todas as subvencións convocadas en cada momento e cara a contribuír aos principios de publicidade e transparencia, a Intervención Xeral da Administración do Estado publicará na súa paxina web as subvencións concedidas, segundo o establecido no artigo 20.4 e 20.8 da Lei 38/2003.

De conformidade co artigo 127.g da Lei 7/1985, corresponderá á Xunta de Goberno local a aprobación do convenio e, con carácter previo, a aprobación do gasto de conformidade co previsto no artigo 31 da LG 9/2007. Así mesmo, queda facultado o concelleiro delegado da Área de Participación Cidadá e Festas para asinar o citado convenio, ao amparo dos Decretos de delegación de competencias de 26 de xuño de 2019 e de 17 de agosto de 2020 e acordo da Xunta de Goberno de data 19 de xuño de 2015.

Á vista do exposto, previo os informes xurídico e da Intervención de fondos, coa conformidade do concelleiro da Área de Participación Cidadá e Festas e do concelleiro da Área de Orzamentos e Facenda, faise á Xunta de Goberno local a seguinte

PROPOSTA:

PRIMEIRO.- Conceder a entidade “Ulisesproyect Eventos Especiales SLU”, con C.I.F. núm. B-36.957.132 unha subvención directa polo importe de 500.000 euros para a organización do XX “Festival do Marisquiño” que tivo lugar os días 6, 7 e 8 de agosto por diversas rúas do centro da cidade.

A aportación dineraria realizarase con cargo aos seguintes Proxectos de gasto e Aplicacións Presupuestarias:



Copia do documento - Concello de Vigo	Data impresión: 04/07/2024 09:30	Páxina 4 de 10
SUBVENCIONS	CSV: AFA951-BCAC84-B426B8-UEB9QQ-58467B-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

- Subvención nominativa polo importe 320.000,00 euros con cargo á aplicación orzamentaria 3380.470.0001 (Convenio Marisquiño) conforme o disposto no artigo 28.1 da Lei 38/2003, do 17 de novembro

- Subvención por circunstancias de interese público, social e cultural polo importe de 180.000 euros con cargo á aplicación orzamentaria 3380.470.0000 do programa orzamentario de Festas conforme o disposto no paragrafo 3 do artigo 28 da Lei 38/2003, do 17 de novembro

A concesión da subvención queda suxeita as seguintes condicións e compromisos:

CONDICIÓN S

Primeiro.- Ulisesproyect Eventos especiales SLU comprométese a colaborar coa Concellería de Participación Cidadá e Festas do Concello de Vigo en canto a organización da XX edición de “O Marisquiño, que tivo lugar no centro da cidade os días 6, 7 e 8 de agosto de 2021, conforme ao programa recollido no Anexo deste expediente, e concretamente:

1º.- Asumir todo o concernente á organización das actividades do XX edición de “O Marisquiño” 2021, achegando toda infraestrutura e equipo humano necesarios para tal fin, así como cumprir a programación que consta no Anexo I deste expediente.

2º.- Asumir todos os gastos que se deriven do orzamento económico, recollidos no Anexo.

3º.- Garantir a instalación e equipamentos axeitados ao proxecto; dotar de material necesario co fin de acadar os obxectivos previstos no programa.

4º.- Obter todos os permisos e autorizacións necesarios para a realización das actividades.

5º.- Comezar as actividades do programa á hora anunciada ó público e comprobar coa antelación suficiente o correcto funcionamento das instalacións e equipamento, para realizar as correccións técnicas que resulten necesarias.

6º.- Dar adecuada publicidade ao financiamento das actividades obxecto desta subvención, mediante a incorporación dos logotipos do Concello de Vigo e da Deputación Provincial de Pontevedra e da imaxe corporativa do evento en todos os seus soportes publicitarios. En todos os casos deberán figurar os anteriores logotipos como patrocinadores do programa.

7º.- Aboar as taxas, impostos e todos os demais gastos derivados dos permisos e da realización das actividades, incluíndo a xestión e aboamento da cantidade que corresponda polos dereitos de autor que se xeren pola utilización de música ambiente no desenvolvemento das actividades deportivas e de cultura urbana.

8º.- Responsabilizarse fronte a calquera dano que se cause a terceiros con ocasión do desenvolvemento do programa, asumindo a contratación dunha póliza de seguro de responsabilidade civil que atenda calquera accidente ou incidencia que se poida producir en relación ao desenvolvemento do evento; a ENTIDADE entregará ao CONCELLO copia da póliza antes do inicio das actividades.

9º.- Elaborar e cumprir o Plan de Autoprotección e Medidas de Emerxencia deseñado para o evento.



Copia do documento - Concello de Vigo	Data impresión: 04/07/2024 09:30	Páxina 5 de 10
SUBVENCIONS	CSV: AFA951-BCAC84-B426B8-UEB9QQ-58467B-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

En xeral cumprir coas obrigas consignadas para as beneficiarias das subvencións no artigo 11 da Lei de Galicia 9/2007.

Segundo.- O Concello de Vigo, pola súa parte, comprométese a:

1º.- Incluir a XX edición de “O Marisquiño” dentro da programación das Festas de verán 2021 do Concello de Vigo, así como nos soportes publicitarios que se realicen para esta programación.

2º.- Conceder directamente a ULISESPROYECT EVENTOS ESPECIALES SLU, unha subvención para a edición 2021 por importe de 500.000,00 euros, co obxecto de coadxuvar ao financiamento da programación, organización e execución da XX edición de “O Marisquiño”. Para edicións posteriores, as achegas do Concello de Vigo subordinaranse á existencia de crédito que para cada exercicio autoricen os respectivos orzamentos.

O Concello non asume ningún compromiso distinto dos recollidos na presente resolución.

Terceiro.- Esta subvención será compatible con calquera outra subvención ou axuda para a mesma finalidade procedente de calquera outra administración ou de entes públicos ou privados, nacionais, da Unión Europea ou de organismos internacionais.

A entidade beneficiaria deberá comunicar ao CONCELLO a obtención doutras subvencións, axudas ingresos ou recursos que financien a actividade subvencionada. Esta comunicación deberá efectuarse no momento en que se coñeza e, en todo caso, con anterioridade a xustificación da aplicación dada ós fondos recibidos.

En calquera caso, o importe total da subvención ou subvencións non poderá superar o da actividade subvencionada; caso no que se procederá na forma prevista no artigo 34 do RD 887/2006, de 21 de xuño, polo que se aprobou o Regulamento da Lei Xeral de Subvencións.

Cuarto.- O pagamento da cantidade subvencionada realizarase por transferencia bancaria á conta corrente número IBAN ES16 2080 5085 7930 4002 1974, da entidade bancaria ABANCA, da que é titular a entidade beneficiaria, tras a xustificación das axudas.

Quinto.- Se o custe total da actividade subvencionada resultase ser menor que o contemplado para a concesión da subvención ou se reducisen na execución da actividade subvencionada as actuacións ou elementos previstos como integrantes da mesma, procederá a redución da subvención na mesma proporción .

A comunicación destas circunstancias ao Concello deberá efectuarse no momento en que se coñeza e, en todo caso, con anterioridade a xustificación da aplicación dada aos fondos recibidos.

Sexto.- A beneficiaria poderá subcontratar con terceiros a actividade subvencionada de conformidade co indicado no artigo 29 da Lei 38/2003 xeral de subvencións.

Sétimo.- A presente subvención terá a publicidade prevista no artigo 15 da Lei de Galicia 9/2007.

Oitavo.- A beneficiaria, antes do 15 de novembro de 2021, deberá xustificar o cumprimento das condicións impostas e a consecución dos obxectivos previstos pola concesión da subvención e, no seu caso, da aplicación dos fondos recibidos.

En cumprimento da obriga imposta polo artigo 14.2.a) da Lei 39/2015 do 1 de outubro, de procedemento administrativo común das Administracións Públicas, a SOCIEDADE ULISESPROYECT EVENTOS ESPECIALES SLU está obrigada a relacionarse de forma electrónica coas Administracións Públicas.



Copia do documento - Concello de Vigo	Data impresión: 04/07/2024 09:30	Páxina 6 de 10
SUBVENCIONS	CSV: AFA951-BCAC84-B426B8-UEB9QQ-58467B-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

Para proceder á xustificación do cumprimento da finalidade para a que se concedeu a subvención e, no seu caso, da aplicación dos fondos recibidos, deberá achegar a conta xustificativa a través da sede electrónica do Concello de Vigo, por calquera dos mecanismos de identificación admitidos na sede electrónica <https://sede.vigo.org>

A tenor do disposto no artigo. 81 do regulamento da Lei 38/2003. establécese o emprego de medios electrónicos, informáticos e telemáticos para o procedemento de xustificación das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan por Orde do Ministerio de Economía e Facenda (Orde EHA/2261/2007, do 17 e xullo, pola que se regula o emprego de medios electrónicos, informáticos e telemáticos (EIT), resultando esixible a achega de facturas electrónicas e/ou copias dixitalizadas compulsadas das facturas en papel.

A tal efecto, a conta xustificativa a render deberá conter:

a) **Memoria de actuación** xustificativa do cumprimento das condicións previstas no presente convenio, con indicación das actividades desenvolvidas dentro do programa, datos de participación e asistentes individualizados por evento e por cómputo global, memoria de prensa, rexistro fotográfico e audiovisual e informe de incidencias.

b) **Memoria económica** xustificativa do custo das actividades realizadas, que incorporará:

- Balance económico con detalle dos gastos e ingresos finais e desviacións con relación ao orzamento inicial.
- Relación numerada de todos e cada un dos documentos xustificativos que se acheguen con especificación da súa data de emisión, provedor, obxecto facturado, importe total do documento, data e forma de pagamento.
- Facturas electrónicas e/ou copias dixitalizadas compulsadas das facturas en papel. As facturas presentadas terán que ser orixinais e deberán recoller o número de CIF, a data, número de factura e o IVE; ordenados correlativamente segundo o número de orde asignado na relación numerada citada no apartado anterior, estes xustificantes quedarán a disposición do Concello de Vigo. Os documentos xustificativos haberán de estar datados no período obxecto deste subvección. Os gastos xustificativos con facturas e demais documentos de valor probatorio equivalente no tráfico xurídico mercantil presentarase en orixinal. As facturás cumpriran os requisitos establecidos para súa expedición no RD 1619/2012 de 30 de novembro polo que se regulan as obrigas de facturación ou as normas sobre a facturación electrónica equivalentes. Non se admitiran facturas fotocopiadas ou compulsadas. Nestas facturas se computará o gasto acreditado deducindo o IVE, salvo que se xustifique a exención do dito imposto. Se a entidade beneficiaria solicitase a devolución do orixinal presentado, a área xestora da subvención procederá ao estampillado da factura orixinal, indicando no estampillado o motivo da subvención e se o importe do xustificante se imputa total ou parcialmente á subvención recibida; indicándose neste caso o importe exacto que resulte afectado pola subvención. A copia do xustificante orixinal estampillado se incorporará ao expediente e a área xestora da subvención procederá á devolución do orixinal.

En ningún caso se admitiran simples recibos ou xustificantes de caixa. As facturas ou minutas por prestación de servizos profesionais deberán conter os mesmos elementos que os especificados para as facturas e, tratándose de persoas físicas, conterán a correspondente retención fiscal.



Copia do documento - Concello de Vigo	Data impresión: 04/07/2024 09:30	Páxina 7 de 10
SUBVENCIONS	CSV: AFA951-BCAC84-B426B8-UEB9QQ-58467B-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- De existiren, relación detallada de outros ingresos ou subvencións que financiaron a actividade, acreditando o seu importe, procedencia e a aplicación dos ditos fondos ás actividades subvencionadas.

Noveno.- No caso de que a ENTIDADE se opoña expresamente a que o CONCELLO comprobe se aquela se atopa ao corrente nas súas obrigas fiscais e para coa seguridade social e non sexa debedora por resolución de procedencia de reintegro, a beneficiaria deberá acreditar estas circunstancias antes de proceder ao pagamento. De non haber tal oposición expresa, o CONCELLO recabará estes documentos de oficio, tal como establece o artigo 28.2 da Lei 39/2015, de 1 de decembro, do procedemento administrativo común das administracións públicas.

Décimo.- Serán gastos subvencionables os que de xeito indubitado respondan a natureza da actividade subvencionada e se realicen no exercicio económico. Considerándose subvencionables en concreto aqueles que figuran no orzamento de gastos a xustificar ao Concello de Vigo achegado pola entidade Ulisesproyect Eventos Especiales, SLU, polo importe total de 500.000 € especificados como anexo neste expediente.

Décimo primeiro.- A realización da actividade subvencionada, o cumprimento da finalidade que determinou a concesión da subvención e a axeitada xustificación da mesma, será comprobada pola Concellería de Participación Cidadá e Festas. O persoal técnico do Servizo de Festas emitirá informe ao respecto facendo constar, no seu caso, todas aquelas circunstancias que poidan resultar relevantes en orden a considerar incumplida ou defectuosamente cumprida a actividade subvencionada.

Décimo segundo.- A beneficiaria deberá facilitar toda a información que lle sexa requirida pola Concellería de Festas e pola Intervención Xeral Municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

Décimo terceiro.- Existencia de consignación orzamentaria. O Concello de Vigo na partida 3380.470.0001 dunha subvención por importe de 320.000 € e polo importe de 180.000 € con cargo a aplicación orzamentaria 3380.470.0000.

Cando o incumprimento da actividade subvencionada se traduza nunha diminución significativa da actividade subvencionada, traducible a termos económicos en función do proxecto presentado e o seu presuposto, que non implique verdadeiro incumprimento do obxectivo da subvención, procederá o reintegro da subvención na mesma proporción. En todo caso procederá o reintegro do exceso da subvención sobre o custo da actividade subvencionada.

Décimo cuarto.- A información sobre as actividades, especialmente en carteis e programas, estará integramente en idioma galego, e terá que ser revisada polo Concello de Vigo. En toda a información editada figurará o logotipo do Concello de Vigo, nas mesmas condicións e tamaños. O material editado deberá contar coa conformidade previa do Servizo de Festas do Concello de Vigo, e disporá dos depósitos legais que lle correspondan.

Décimo quinto.- O mecanismo de seguimento da execución das actividades subvencionadas establécese en base ás memorias e informes que presente a entidade asinante e a presenza do persoal técnico do Servizo de Festas nas propias actividades programadas.

Décimo sexto.- A presente subvención terá vixencia anual ata o 31 de decembro de 2021 e non será prorrogábel.

Décimo sétimo.- O concelleiro delegado de Participación Cidadá e Festas queda facultado para resolver as posíbeis controversias derivadas da execución e interpretación das actividades



Copia do documento - Concello de Vigo	Data impresión: 04/07/2024 09:30	Páxina 8 de 10
SUBVENCIONS	CSV: AFA951-BCAC84-B426B8-UEB9QQ-58467B-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

contempladas nesta subvención, así como para tomar iniciativas que contribúan ao seu cumprimento e desenvolvemento.

Décimo oitavo.- Canto ás infraccións e sancións en que poida incurrir a beneficiaria da subvención a que se refire este convenio e procedemento para a súa apreciación e imposición, estarase ao disposto no Título IV da Lei de Galicia 9/2007 e na Lei 39/2015, de 1 de decembro, do procedemento administrativo común das administracións públicas.

Décimo noveno - A beneficiaria está informada de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención obxecto do presente convenio, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de Galicia 9/2007 en orden á conclusión do proceso subvencional, polo que a súa achega é obrigatoria.

Os ditos datos serán tratados e protexidos de acordo co previsto na Lei 39/2015 e na Lei orgánica 3/2018, de 5 de decembro, de protección de datos persoais e garantía dos dereitos dixitais, sendo responsable do seu tratamento a Concellería de Festas. A beneficiaria poderá exercer os dereitos de acceso, rectificación, cancelación e oposición ante o Servizo de Festas do Concello de Vigo.

Vixésimo.- A execución do programa axustarse as condicionamentos sinalados na autorización de data 4.08.2021 de ocupación de dominio público concedida polo Servizo de Seguridade e conforme aos plans de autoprotección e protocolos COVID.

Vixésimo primeiro.- A concesión da subvención obxecto do presente convenio rexerese pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do estado en materia de réxime local; a Lei de Galicia 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste convenio; as Bases de Execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

SEGUNDO.- Autorizar un gasto por importe de 500.000,00 euros, en concepto do estipulado no convenio, a favor de Ulisesproyect Eventos Especiales SLU, dos cales 320.000,00 euros irán con cargo á aplicación presupostaria 3380.470.0001 (Convenio Marisqueño cofinanciado Deputación) e 180.000,00 euros con cargo á aplicación presupostaria 3380.470.0000 do programa presupostario de Festas para o vixente exercicio.”

TERCEIRO.- Notificar a presente resolución ao interesado, indicando que esta resolución pon fin á vía administrativa e contra a mesma cabe interpoñer recurso contencioso-administrativo no prazo de dous meses, ante o órgano competente da Xurisdición Contencioso administrativa, de conformidade co disposto na Lei 29/1998, do 13 de xullo, reguladora de Xurisdición Contencioso-administrativa.

Así mesmo, a resolución poderá ser recorrida potestativamente en reposición, no prazo dun mes, ante o mesmo órgano que ditou a resolución impugnada, de acordo co disposto nos artigos 123 e 124 da Lei 39/2015, de 1 de outubro, do Procedimento administrativo Común das Administracións Públicas.



Copia do documento - Concello de Vigo	Data impresión: 04/07/2024 09:30	Páxina 9 de 10
SUBVENCIONS	CSV: AFA951-BCAC84-B426B8-UEB9QQ-58467B-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 04/07/2024 09:30	Páxina 10 de 10
SUBVENCIONS	CSV: AFA951-BCAC84-B426B8-UEB9QQ-58467B-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		